



## উপজেলা পরিক্রমা

### ধামইরহাট

ধামইরহাট (নওগাঁ), ২৪ ফেব্রুয়ারী (সংবাদদাতা)।— পুরাতন রাজশাহী জেলা ভেঙ্গে যে চারটি নতুন জেলা হয়েছে আয়তন ও জনসংখ্যার দিক থেকে নওগাঁ জেলা তার মধ্যে বৃহত্তম। আর এ নওগাঁ সদর থেকে দীর্ঘ চৌত্রিশ মাইল উত্তর-পশ্চিম কোণে "ধামইরহাট উপজেলা"।

এই উপজেলার আয়তন ১১৬ বর্গ মাইল, গ্রাম ২৭০টি, ইউনিয়ন ৮টি, মোট জনসংখ্যা ১,২৪,৩৮৪ জন। মোট জমির পরিমাণ ৭৪,০০০ একর। আবাদী জমির পরিমাণ ৫৬,০০০ একর। অনাবাদী জমির পরিমাণ ১৮,০০০ একর।

**কৃষি**  
এখানকার মাটি অত্যন্ত উর্বর। এখানে প্রচুর পরিমাণে ধান, পাট ও ইক্ষু জন্মে। তাছাড়াও রবিশস্য এবং শাক-সব্জি এ অঞ্চলটিকে চিরসবুজ করে রেখেছে।

**যোগাযোগ**  
এ উপজেলার প্রধান এবং একমাত্র সমস্যা "অনন্নত যোগাযোগ ব্যবস্থা" যোগাযোগের একমাত্র রাস্তাটির অচল অবস্থা প্রায় জনসাধারণ অত্যন্ত ঝুঁকি

নিয়ে এ রাস্তায় চলাফেরা করেন। নওগাঁ জেলা সদর থেকে এই একমাত্র রাস্তাটি গুরুত্বপূর্ণ আর একটি নতুন জেলা জয়পুরহাটের সাথে যোগাযোগ রক্ষা করে চলছে। যার মাঝপথে পড়ে ধামইরহাট উপজেলা।

**শিক্ষা**  
শিক্ষার দিক থেকে এ অঞ্চলের জনগণ অনেকটা তৎপর এবং প্রায় একশ জন উচ্চ শিক্ষিত যুবক-যুবতী নিয়ে গঠিত এই উপজেলার "প্রগতি সংঘ" নামের সংগঠনটি বিভিন্ন সমাজকল্যাণমূলক কাজের পরিচয় দিয়েছে।

শিক্ষাপ্রতিষ্ঠানগুলো হচ্ছে— ডিগ্রি কলেজ ১টি, হাইস্কুল ১৭টি, জুনিয়র হাইস্কুল ৩টি, সরকারী প্রাইমারী স্কুল ৬২টি, বেসরকারী প্রাইমারী স্কুল ৯টি ও মাদ্রাসা ২২টি।

**স্বাস্থ্য**  
"উপজেলা স্বাস্থ্য কমপ্লেক্স" এ ওষুধ নেই। উপজেলা হাসপাতালে কোন টিকাদান কর্মসূচী নেই, ডাক্তারদের অনীহা ইত্যাদি মিলে অনেক দুর্ভোগ পোহাতে হয়।